

ՊԱՏԱՍԽԱՆ ՊՐՈՑ. ԳԱՐԵԳԻՆ ՊԵՏՐՈՍՅԱՆԻՆ

ԻԱՅԱՑԻՆԻ ԻՇԽԱՆՅԱՆ

Պրոֆ. Գ. Պետրոսյանի «Անհայտ հեղինակի թվաբանության դասագրքի հեղինակման ժամանակը» հոդվածի մասին կարելի է ասել հետևյալը.

Գ. Պետրոսյանն ուզում է համոզել, որ «Արուեստ թվական է սայ» աշխատությունը գրվել է XV դ.: Բայց համոզելու համար պետք են փաստեր, որպիսիք հեղինակը չունի:

Մենք ըստ Մաշտոցի անվան Մատենադարանի հրատարակած «Յուցակ ձեռագրաց»-ի գրել էինք, որ տվյալ ձեռագիրը XVII դ. ընդօրինակություն է: Գ. Պետրոսյանը գրում է, որ ձեռագիրն ընդօրինակված է XVIII դ. (ըստ Յու. Վարդանյանի բանավոր ճշտման): Թող այդպես լինի, հնարավոր է, որ «Յուցակ ձեռագրաց»-ում XVII դ. վրիպակ է: Բայց չէ՞ որ էթե ձեռագիրը, իրոք, XVIII դ. ընդօրինակություն է, ապա Գ. Պետրոսյանի գլխավոր փաստարկը՝ թվանշանների ձևերի խնդիրը, ավելի անհող է դառնում: XVIII դ. ընդօրինակված ձեռագրում տառերի, թվանշանների, զարդերի ձևերը հենց XVIII դ. են դալիս: Տառերն ու թվանշանները գրված են այն մարդու ձեռքով, ով XVIII դ. ընդօրինակել է, այսինքն՝ իր ձեռքով գրել է ձեռագիրը: Եվ եթե ընդօրինակողը տվյալ երկի հեղինակը չէ, այլ ուրիշ մարդ է, կնշանակի ձեռագրի տառերն ու թվանշաններն այդ ուրիշ մարդունն են և ոչ թե հեղինակին: Գ. Պետրոսյանը գրում է, որ աշխատությունը XV դարում գրված լինելը հիմնավորելու հարցում «վճռական նշանակություն ունեցողը թվանշանների ձևն է»: Բայց այդ թվանշաններն էլ, ահա, XVIII դարի են: Գ. Պետրոսյանը մատը դնում է 4 թվանշանի գրության ձևի վրա: Ահա ձեռագրից արտագրում եմ չորս թվանշանը՝

4 այսպիսի չորս հիմա էլ են գրում. գրադարանային ձեռագրի չորսն այդպի-

սին է: Ձեռագրի գրիչը թվանշանի գլխիկը փոքր է արել, վատ է գրել: Բայց այդպիսի փոքր գլխիկով չորս առաջ էլ, հիմա էլ որքան ուզեք կարելի է ցույց տալ ձեռագրերի մեջ, մասնավորապես գրադարանների ձեռագիր քարտարաններում: Մարդ զարմանում է, ինչպե՞ս կարելի է ձեռագիր չորսի ձևով, նրա գլխիկով, այն էլ XVIII դ. գրված, որոշել, թե երբ է հեղինակվել աշխատությունը: Կարելի է XVII, XVIII, XIX դդ. ձեռագրերից բերել այս ձեռագրում նշած բոլոր թվանշանների ձևերով գրված թվանշաններ (այստեղ միայն 2 թվանշանն է աղավաղված, մյուս թվանշանները սովորական են, այդպես հիմա էլ են գրում):

Հեղինակը նշում է, որ իր մյուս փաստարկները «օժանդակ նշանակություն ունեն»։ Ո՛չ, օժանդակ նշանակություն էլ չունեն: Եթե միլիոն բառը գործածվել է սկսած XIV դ. (որի հետ Գ. Պետրոսյանը լիովին համաձայն է) և գործածվում է նաև XX դ., կնշանակի որևէ աշխատություն, որի մեջ կա այդ բառը, հեղինակվել է XIV-ից մինչև XX դ. ներառյալ ընկած ժամանակամիջոցում, այսինքն, այո՛, ընկ. Պետրոսյան, XIII դ. հետո, մինչև մեր օրերն ընկած ժամանակամիջոցում: Այստեղ ի՞նչ կա զարմանալու, որ դուք գրում եք, թե «որտեղից է վերցրել XIII դարը»: Կամ եթե ալ-օ զուգահեռ գրությունը եղել է XIII դ. սկսած մինչև XVIII դ. (նույնիսկ՝ մինչև XIX-ի կեսերը), ուրեմն դա ևս որևէ կապ չունի երկի հեղինակման դարը ճշտելու հետ, մասնավորապես, որ այդ զուգահեռ գրությունը պատկանում է ձեռագիրը ընդօրինակողին: Այն-

պես, որ սրանք օժանդակ նշանակություն էլ չունեն և առհասարակ փաստարկ չեն: Նույնը վերաբերում է մյուս «օժանդակ փաստարկին», այն է, Գ. Պետրոսյանի խոսքով ասած՝ այբբենական համակարգից «տասնորդական դիրքային համակարգին» անցնելուն, այսինքն՝ հայկական տառ-թվանշաններից արաբական կոչվող թվանշաններին և թվարկման տասնորդական համակարգի անցնելուն: Հարգելի հեղինակը գրում է, որ XVII դ. «Արհեստ համարողութեան» գրքում թվանշաններն արաբական են, ուրեմն այդ դարում նման թվանշաններով գրել են: Էլ ի՞նչ կարիք կա բավական երկար դատողություններ անել հնդկական, արաբական համակարգերի ու նման բաների մասին, ապացուցելու համար, թե XV դ. են սկսել արաբական թվանշաններ օգտագործել, «անցում կատարել» դեպի «դիրքային համակարգը» և այլն: Չէ որ դա հենց նշանակում է, որ XVII դ. էլ են գրել այդ կերպ: Ի դեպ, ասենք, որ նույն XVII դ. հեղինակված՝ Կոստանդ Զուղայեցու թվաբանության աշխարհաբար դասագրքում էլ տառային թվանշաններ են գործածված¹: ուրեմն այդ դարում և այս կա, և այն: Ուստի այս փաստարկն էլ «օժանդակ» չէ, այլ ուղղակի փաստարկ չէ:

Երկու տեղ գրում է, որ դասագիրքը, «հատկապես երկրորդ մասը ենթարկվել է փոփոխության ու խմբագրման»: Ինչի՞ց խմացաք, հարգելի պրոֆեսոր: Դուք ոչ մի փաստ դրա համար չեք բերում: Այս «փոփոխությունը» պետք է Գ. Պետրոսյանին այն բանի համար, որ ասի, թե դասագրքում XVII դ. չափ ու կշռի, առևտրական հարաբերությունների մասին գրվածները հետագայի ներմուծություններ են: Բայց ասելը քիչ է, պետք է համոզել, այն էլ փաստներով: Իսկ փաստը, իրողությունը այն է, որ ամբողջ դասագրքում առկա են XVII դ. չափումներ, մտածելակերպ, անցուղարձ:

Եվ այսպես, հեղինակը որևէ փաստ ու փաստարկ չունի տվյալ երկրի XV դարում հեղինակված համարելու: Որևէ արժեք չունի նաև այն, որ դասագրքի առաջին մասը, այսինքն՝ առաջաբանը գրված է գրաբար: Ընկ. Պետրոսյանին պետք է հայտնի լինի, որ XVII դ. աշխարհաբար (նոր գրական հայերեն) հեղինակված գրքերում առաջարանները գրվել են գրաբար. այդպիսիք են 1675-ի «Արհեստ համարողութեան», 1687-ի «Պարզաբանութիւն» աշխարհաբար երկերի և հաջորդի առաջաբանները: Ընդ որում, այս գրքերի առաջարանները շատ ավելի կանոնավոր գրաբարով են գրված, քան խնդրո առարկա դրձագրիներ: Ըստ Գ. Պետրոսյանի ստացվում է այնպես, որ ստուգապես XVII դ. թվակիր այդ գրքերը նույնպես XV դ. պետք է լինեն և դեռ ավելի վաղ շրջանի, քանի որ դրանց առաջաբանները (առաջին մասը) շատ ավելի լավ գրաբարով են գրված, քան «Արուեստ թվական է սայ» երկի առաջաբանը (հեշտությամբ կարելի է ցույց տալ, որ այս դասագրքի աղճատ գրաբարը հենց XVII դ. է):

Այսպիսով, «Արուեստ թվական է սայ» երկի հեղինակման ժամանակը ընկ. Պետրոսյանը չի որոշել, այն մնում է բաց: Մենք այդ ժամանակի մասին կարծիք ենք հայտնել ամենից առաջ ըստ երկի լեզվի, որ աշխարհաբարն է՝ Յ-րդ կամ նոր հայերենը: Մեզ հայտնի վաղ աշխարհաբարյան բոլոր երկերը գրված են XVII դ. (հիմնականում այդ դարի 40-ական թվականներից հետո) և XVIII-ում: Այստեղից ենթադրություն ենք անում, որ «Արուեստ թվական է սայ» աշխարհաբար երկն էլ բացառություն չի կարող լինել և ըստ իր աշխարհաբարի բնույթի պետք է հեղինակված լինի անպայման XVII դ.: Այսօր հայագիտության մեջ աշխարհաբարի առաջին դարը համարվում է XVII-ը (Գ. Սեվակ, Ս. Ղազարյան, Գ. Զահուկյան, է. Աղայան, նվաստս և շատ ուրիշներ): Եվ սա հիմնավորված է բազում փաստերով: Մեծարգո Գ. Պետրոսյանը գրում է. «Ռ. Իշխանյանը իր համար նախօրոք ստեղծել է մի կաղապար՝ XVII դարը»: Հարգելի ընկ. Պետրոսյան, դա ես չեմ ստեղծել, դա այսօրվա գիտության դրույթն է, այն, որ, կրկնում եմ, XVII դ. առաջ աշխարհաբարով, ավելի ստույգ՝

¹ Մաշտոցի անվան մատենադարան, ձեռ. № 3443:

նոր գրական հայերենով կամ նրա ավելի բարբառային տարբերակով գրքեր չեն գրվել (եղել են աշխարհաբարի առանձին տարրեր, հատվածներ, բայց երկեր, թեկուզ փոքր, չեն գրվել մինչև XVII դ.):

Եթե ընկ. Պետրոսյանը գտնի XVII դ. առաջ գրված որևէ աշխարհաբար (նոր գրական հայերեն) երկ, տողերիս հեղինակը հրաժարվում է XVII դարից, և խնդրո առարկա ձեռագիր երկը XVII դ. հեղինակված համարելուց: Եվ եթե այդպիսի բան հայտնաբերի ընկ. Պետրոսյանը, ապա դա մեծ գյուտ կլինի հայագիտության մեջ: Բայց բարեկամաբար խորհուրդ չէի տա որոնումներ անել, քանի որ նման որոնումներ շատերն են արել և շատ են արել, որից պարզվել է, որ նոր գրական հայերենը (աշխարհաբարը) իբրև գրավոր հաղորդակցության միջոց սկսել է գործածվել XVII դարից: Ուրեմն և «Արուեստ թվական է սալ» աշխարհաբար (նոր գրական հայերեն) երկը XVII դ. առաջ գրված չի կարող լինել: Սա ստույգ է: Իսկ ինչու՞ ենք մենք ենթադրում, որ հատկապես XVII դ. է գրված, այլ ոչ թե, ասենք, XVIII-ում, դրա գլխավոր պատճառն էլ է լեզուն. գրված է միասնական աշխարհաբարով (չկա արևմտահայերեն-արևելահայերեն բաժանումը, միաժամանակ և՛ արևմտահայերեն է, և՛ արևելահայերեն): Իսկ սա հատուկ է XVII դարին: Եթե որևէ մեկն իբրև այս երկի հեղինակման ժամանակ առաջարկի XVIII դ. սկիզբը, ապա դրան առարկելը դուրս է դժվար կլինի, թեև ոչ անհնար: Բայց սա այլ հարց է:

ОТВЕТ ПРОФ. ГАРЕГИНУ ПЕТРОСЯНУ

РАФАЕЛ ИШХАНЫАН

Резюме

Рукописный учебник арифметики «Это искусство счисления» написан на новоармянском литературном языке. Ранее XVII в. этот язык не применялся, самые ранние его памятники относятся к середине или ко второй половине указанного столетия. Наименования всех мер в учебнике также относятся к XVII в. и не употреблялись в XV в. Главный аргумент Г. Петросяна—формы написания цифр, особенно цифры 4, на основании которого автор хочет отнести учебник к XV в., не состоятелен, ибо цифры в рукописи написаны рукою не автора учебника, а переписчика, рукопись же переписана в XVIII в. Кроме того, цифры рукописи имеют такие формы, которые применялись и в XV в. и в последующих веках, вплоть до нашего времени. Аргументы же побочные, как их называет автор статьи, такие, как употребление термина «миллион», параллельное употребление букв *o* и *sh*, а также применение арабских цифр и данной системы счисления не могут говорить в пользу XV в., ибо все это имело место и применялось и в последующих веках, особенно в XVII в. Все это говорит о том, что данный учебник на новоармянском языке был написан в XVII в., когда писались и другие учебники арифметики на том же языке и подобного типа.